

越縵堂駢俪文集

一
函
四冊

越縵堂駢體文卷三

會稽李慈銘著 常熟曾之撰編次男樸校

序

四十自序

丁卯歲除之日客游武昌楚雪乍暉江雲已夕悲哉日月逝於上體魄衰於下素冠忽其再棋黝廬設於傳舍犬馬之年洵已四十粉榆之里隔以三千塵帙數卷親于妻孥焚童三尺禮若賓友噤關對燭默然以思遠覽梁代劉子自序之作近感江都汪生繼述之文爰綜我生踵陳其略僕少懷忼慨長際時難累草賈生之書常讀范滂之傳而請纓無路諧價是聞附相如之貲郎染

崔烈之銅臭爲常何作奏不問馬周聞劉蕡被彈遂阻
李邵方麴障面常避朝貴薄笨生角不識曹司此其可
悲一也早承義方偏被慈愛而百藥勝衣大母先背一
經畢業嚴親告殂東眷大椿閔孤孫之獨秀北堂諼草
憂門子之多災學仕邅以不成喪禍慘其貽及桐棺三
寸久積曼卿之喪壘壘百品遂瞑介推之母此其可悲
二也任昉遺孤厥有四人袁耽嫁妹常擇三壻而倭子
善病阿買別祧叔也早亡存者惟兩屢灼西頭之艾莫
分北舍之租竹筍辦莊誾誾牙郎之絹麥孟野祭纍纍
殤子之墳此其可悲三也德非許允配以孫恒牛衣夜
寒乏垂淚之慰鮭單朝設絕舉按之歡乃至郡聞勃谿

室無傾視雖齊醮於卅歲實塊處者卅年朝雉之曲將
終莫翟之徵尙杳此其可悲四也自預結納參伍華流
每遇孤寒尤爲道地而坐席尙溫太行已阻解驂所濟
跬步卽忘致書百函莫命報於齡石過人一飯卽仰面
於蕭韶甚至葭莩之親忽操戈以入室腴附之託或投
石於陷坑蛩駘化爲虎豺蘭艾悉成荆棘此其可悲五
也凡此五悲益以五窮乃若性好典墳頗勤購讀而仲
任少賤閭市爲生祖珽長貧竊書遭辱逮成干卷之積
遽罹一炬之災蹲鴟誤文校讐以貶飽蠹殘冊摹娑數
生蕩蕩帝門無皇甫十車之借荒荒福地吝張華一夢
之游其窮一也山水之癖夙具勝懷少長越中益深栖

託而秦望之花千丈邪谿之雲百重帆策缺供巖壑多
阻隸事遠役總歷窮途香山碧雲蒼翠接乎寤寐焦與
浮玉風雨迷其颿檣采皋亭之桃悽然空腹炤惠泉之
鏡黯絕塵顏四瀆粗涉其三五嶽未登其一屢傳誰華
之束分寫沅江之圖天台佛場負此證生之地牛渚怪
窟過以運租之船時或馬卿倦游令威暫返勞生多感
四顧慙歡指青山以送愁望綠浦而寫恨經年賃廡對
當門之卧龍五日登高冠生平之望海腰腳已軟煙霞
久虛其窮二也田園之興以比息柯雞黍之儲以營伏
臘而負郭陋巷燬於赤眉下溼瘠田敗於烏羸白楊多
乎花草黃獨以當貲糧廉吏子孫竟絕一絹之橘舊家

井里并刊獨木之桐至使垂白臨終齎恨雨風之庇先
靈求食不知饋餼之方渚北屢迢夜卽迷夫井竈郭西
故隱夢猶繞其戶庭饗野父之瓜壺擾比鄰之鴉鵝栽
梨補杏空繙種樹之書課稼植援絕羨負暄之叟其窮
三也少勤著作服膺儒先自喜文章不居人後而子雲
口吃爭吹其草元賈逵頭長共擾其問字一篇賦出便
擬蠟車十志書成競將投溷辱江公於坐上見輕昨莫
之兒處黃祖之腹中難望俳優之養其窮四也十旬九
病一日半飡革帶量腰孔距踰尺小冠宜首廣僅盈規
行匳積其方書藥煙交乎舊帳涉夏則氣息不續涉冬
而肢體皆冰幼卽憂生今爲已壽趙苞歐血傳者以爲

毀亡山松行歌道中疑其虞殞而况謝莊家世本乏高
年范雲岷徵難期強仕每節中以待盡幾叩刀而自裁
其窮五也加以出處乖違笑嚔觸忤受里魁之辱寧止
李陽望縣令之塵幾收杜竺陳留小吏名士懸其重輕
桓東少年經師由其進退國飲狂水謂回臭而跼香士
習謗書易牛頭而馬脯夷清流於溷穢誣孤松以蘧蔭
卻兵力之昏以爲怙勢續湔上之祀乃曰利財萬蚋聚
攻干鷗一噪死灰旣積尙溺以旋重淵久湛更弇以土
甚至結嬾瓚之社亦被擲揄闖里髡之筵或遭委頓一
言甫接已覺失歡旬月詣人猶虞生厭冥冥鴻鵠之景
翬翬鬼魅之聲剝牀無膚燒城有舌雖由人忌實曰天

刑嗟乎庖鷄之栖不越卑枝偃鼠之飲惟求滿腹僕也
忝踰王長史之生年竊比袁吳郡之再造數九京之知
舊倍于生存合三族之輩行多爲弟畜憂患子立志業
盡空今者寇盜漸平東南暫定地寬可隱天醉或醒但
願回枯桐以寸春煦頰鱗以微沫逢郭代公于傾蓋先
隴畢成荷嚴僕射之寄資草堂竟就種稻十畝環竹一
籬梅港水田收魚菱以供祭湖塘山市賦櫻筍以治生
課蓬頭之阿宜擁椎髻之如願時廬項里之寺閒過光
相之宗章服偶披告漁樵以曾仕著書儻就俟朝廷之
下求論定其人或有百世所冀沒齒無忝二親黃檗口
含長言當哭聊以告哀先祖抒示親知非待絜于古人

實求諒于來哲文之工拙不暇詳焉

龐尙書文廟祀典考序

代

蓋自女陵降祥緇帷設教聿屆黑帝之聖遂有素臣之
符故雖戰國攫爭暴秦虎噬詬儒破術禮檄樂崩而車
服森森禮坐不改洙泗齟齬圍城尙存隸至漢興益明
孔學文翁石室續及諸賢子長世家佐以列傳廟貌旣
設褒成遂封中興重儒列象徧設卒史之守置于乙瑛
禮器之修成于韓勅嗣是典文踵飾日月滋增雖至閏
位鼃聲叢隅螭角猶且莽崇公號夏襲帝侑撮壤埤山
隆污何算要而論之經明于漢祀定於唐顯慶正先聖
之名開元制文宣之謚經師祔于貞觀弟子祀肇明皇

皆後海而先河取資賢以備聖爵超桓袞方稱帝師之
尊等別門牆各疏侯伯之秩固已發皇丹赤鏗訇鼓鐘
用其書者祀其人傳其學者隆其報物無異議制出一
尊顧以聊叔遺封述聖缺祀宋之中葉彌廣推崇齊魯
並尊兼封鄆國泗沂世及并爵鄒公庶幾聖門殆無遺
憾而主奴出入因此糾紛裘葛炎涼互收追報媿太祝
於游夏躋荆舒爲顏曾道學踵興賢儒強判馴至明代
乃有張璁憑蠱毒以射天逞蠡智以測海裂冠毀冕貶
制黜儒以致高密大師豫章名學咸登彈事歸食故鄉
幸際憲皇帝盛修前典黜秦

昌期欽逢

昭代苞苴交平元會日月麗其中天

世宗憲皇帝遐稽前典獨秉

聖衷特

詔封啟聖王以上五世王爵而 至聖先師則仍嘉靖之稱蓋以磨紱紀祥空桑衍聖推恩所自則祖以孫貴可知追王致隆則德必稱位益見故

九敏以盡其敬八溢以極其庸削大成之陋稱祛汁光之妄說至於從祀之典尤切

周諮再議盈廷折衷至當弟子則林顏悉復經師則鄭范先還損益百王憲章萬禩前則

聖祖定十哲之位後則

高宗建辟雍之宮皇哉上儀至矣觀止重熙累洽咸秩

明禋然而竹帛尙虛記注寥寂張頴枊艸佚簡无徵敏

政抵萌陋書匙述臬乎近世李宗伯

周望

箸禮樂之錄孔

農部

繼汾

紹文獻之編紀厥休明蔚乎份馘顧未專于祀

典尙致憾夫獻徵寶生司寇黼黻應期淵岳比識紬繹

萬緒笙簧九能自長司成及貳宗伯鉤稽積牘潤色鴻

言勒成文廟祀典考五十卷以同治四年六月絜齊進

御

九重嘉賞儲之

禁中緇帙映乎

紫宸檀函發爲喬采攷儒林者奉如瓊秘訪柱下者重

若球珍肴核古今準裁同異入儒懸其藻鏡九墨畫其

枝流劉子駿之逸書老儒或嫉歸崇敬之立議舉朝憚
行咸事蒐羅式資銓綜復棐副墨以廣其傳而屬蔭爲
之序蔭惟是書采取之博體例之善固不待言而百仞
之牆所苞者六藝兩廡之饗無取乎空談泮壁非合食
之堂享祝異列傳之史夷齊卓行何與闕里之誦絃周
邵大勲豈覲尼山之尊枕累承

列聖申訓精詳誠得是書共相曉譬俾無以免園一冊
攘臂於孔林皋比片瓊爭席於禮殿若夫蘭陵言性中
壘校書賈侍中之宏深何諫議之精博鄭司農之節概
服九江之名通學眙衆家德無一眚卽至唐儒孔陸宋
代孫邢書旣傳於今茲身不遺夫世議或增或復揚榷

可言而尤當議及者小學無校長則蒼籀之心不傳雅
訓無景純則周孔之讀不著平叔忠魏而論語以行邠
卿忠漢而孟子以顯厚齋東發皆紫陽之適傳梨洲亭
林實蘇門之畏友以膺俎豆鏤韻金絲將聯奎壁之輝
光益昭

國家之盛事司寇宅日秩長寅清離容上議蔭猶願簪
筆而從其後焉

德化蔡編修二女貞烈詩序

姑山菴草怨帝女之未行楚水桃花悲息媯之同穴是
以湘江栽竹淚點常斑夏屋磨笄愁雲不改而況若莘
若憲擅清陽五宋之才伯孀仲孀媿奉天二寶之烈一

則追成禮服遂立臨汝之宗一則急殉橐碇永並彭郎
之冢貞蕤共穎奇節各標禮堂分寫其石圖女憲同出
於姆教允宜傳以金管風彼玉臺成鼎門雙闕之觀佐
國家六屏之化不其偉與德化蔡貞女澤荅及其妹彭
烈婦澤芝者枚盒太史之二女也珠胎分毓瓊華並妍
映桃李於中閨粲蘭芝以均氣貞女幼字漢陽袁侍郎
希祖之子管君舅甫沒弱壻毀亡莫慈灰孝之孤將殄
愍孫之祀貞女哭踊擗面髻鬢人門求夏甫之哀宗撫
宏微以爲後視彼祝英慟墓空餘蜨化之裙衛女聞琴
遂譜朝飛之曲論茲風義尤爲其難矣烈婦嫁江夏彭
縣令祖壽之子元善結褵半載所偶遽摧烈婦傷甚楚

之無依痛芣苢之不效空幃飲酖泣別皇姑哀經奠靈
竟從夫子撫棺吞藥遠同義成之妻割鼻明心奚取梁
寡之行夜臺鏡合甯愴離鸞漢水珠還誰能請佩夫未
醮而守禮家議其過情自殺以從儒者以爲傷孝然而
繫纓有屬作配何慙髡彼兩髦知衛子之不娶穀則異
室證周媛之守貞至於舉案甫諧崩城已慟上無侍奉
之責下無撫育之期惟決計以相從豈處急而能擇雙
飛孔雀何勞黃鵠之歌連理梧桐不長紅靡之草臺端
人告

朝旨旌門懿夫二媛並堪千古太史輯左芬之遺藁紆
金瓠之哀辭徧告執林播爲文詠慈銘竊徵近事式纂

貞徽凡自搢紳以逮逢掖閨櫝奇節月日有書其爲具
美一門足光詞苑者獻縣劉氏雅州太守妻沈以殉夫
聞其兄貴陽太守書年有子紹竣聘故按察遵義唐端
節公之女未昏壻歿誓志完貞論者以爲先烈後貞父
忠子義然叔姑從婦分旣稍懸沛郡吳興姓又各出以
較蔡氏又不逮焉

九重旌節長開姊妹之花萬劫冰霜寒照死灰之碣而
侍郎僑居楚地系本始甯又足張曹江之波增越婺之
采柳朱守志並祠廟於松陽讞女炙顏補後賢於典錄
矣

宗室博尔濟吉特夫人芸香館詩集序